

ԵՒՀ ՆԱԽԿԻՆ ԳԼԽԱՎՈՐ ՔԱՐՏՈՒՂԱՐ ԿՈՆՐԱԴ ՌԱՅՁԵՐԻ ԱՅՅԸ ՀԱՅԱՍՏԱՆ

Մայիսի 30-ին Եկեղեցիների Համաշխարհային Խորհրդի Հայաստանյան Կլոր Սեղան հիմնադրամի հրավերով մեկշաբաթյա այցով Հայաստան ժամանեց Եկեղեցիների Համաշխարհային Խորհրդի նախկին գլխավոր քարտուղար դոկտոր Կոնրադ Ռայզերը:

Այցի ընթացքում դոկտ. Ռայզերը հանդես եկավ դասախոսություններով Մայր Աթոռ Սուրբ Էջմիածնի Գևորգյան Հոգևոր Ճեմարանում և Վազգենյան Հոգևոր Դպրանոցում, ինչպես նաև Երևանի պետական համալսարանի Աստվածաբանության ֆակուլտետում: Դասախոսությունները հիմնականում վերաբերում էին բնապահպանական տարբեր խնդիրների և էկումենիկ հարաբերություններին («Աստվածաշնչյան թեմաները և բնապահպանական խնդիրները», «Ինչպե՞ս Եկեղեցին կարող է մասնակցել բնապահպանական շարժմանը», «Էկո-արդարության խնդիրը, արդարության և բնապահպանության ինտեգրացիան», «Վստահության հաստատում էկումենիկ հարաբերություններում»): Դասախոսությունները ներկայացվեցին «Կանաչ աստվածաբանություն» ուսումնական ծրագրի շրջանակներում, որ իրականացվում է ԵՀՄ Հայաստանյան Կլոր Սեղան հիմնադրամի և Սևանի Վազգենյան Հոգևոր Դպրանոցի համատեղ ջանքերով:

Այցի օրերին Կոնրադ Ռայզերին ընդունեց Ն.Ս.Օ.Տ.Տ. Գարեգին Բ Ծայրագույն Պատրիարք և Ամենայն Հայոց Կաթողիկոսը:

Հունիսի 3-ին Մայր Աթոռ Ս. Էջմիածնում Կ. Ռայզերը ներկա գտնվեց Սուրբ Պատարագի արարողությանը:

Մայր Աթոռ Սուրբ Էջմիածնի միաբանների և ԵՀՄ Կլոր Սեղան հիմնադրամի պաշտոնետության ուղեկցությամբ ԵՀՄ նախկին գլխավոր քարտուղարն այցելեց տարբեր վանքեր և սրբավայրեր, մշակութային և կրթական հաստատություններ, մասնակցեց «Բնապահպանություն և Աստվածաբանություն» գրքի շնորհանդեսին: Դոկտ. Ռայզերը նաև ներկա գտնվեց Եկեղեցիների Համաշխարհային Խորհրդի Հայաստանյան Կլոր Սեղան հիմնադրամի հոգաբարձուների խորհրդի հերթական ժողովին:

*ՄԱՅՐ ԱԹՈՐ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ*